

# 佛說阿彌陀經

姚秦三藏法師鳩摩羅什譯

如是我聞。一時。佛在舍衛國。祇樹給孤獨園。與大比丘僧千二百五十人俱。皆是大阿羅漢。衆所知識。長老舍利弗、摩訶目犍連、摩訶迦葉、摩訶迦旃延、摩訶俱絺羅、離婆多、周利槃陀伽、難陀、阿難陀、羅睺羅、憍梵波提、賓頭盧頗羅墮、迦留陀夷、摩訶劫賓那、薄拘羅、阿菟樓駄。如是等諸大弟子。并諸菩薩摩訶薩。文殊師利法王子、阿逸多菩薩、乾陀訶提菩薩、常精

進菩薩。與如是等諸大菩薩。及釋提桓因等。無量諸天大眾俱。

爾時。佛告長老舍利弗。從是西方。過十萬億佛土。有世界。名曰極樂。其土有佛。號阿彌陀。今現在說法。舍利弗。彼土何故名爲極樂。其國衆生。無有衆苦。但受諸樂。故名極樂。又舍利弗。極樂國土。七重欄楯。七重羅網。七重行樹。皆是四寶周匝圍繞。是故彼國。名爲極樂。又舍利弗。極樂國土。有七寶池。八功德水。充滿其中。池底純以金沙布地。四邊階道。金、銀、瑠璃、玻瓈合成。上有樓閣。亦以金、銀、瑠璃、玻瓈、磲

磔、赤珠、瑪瑙。而嚴飾之。池中蓮華。大如車輪。青色青光。黃色黃光。赤色赤光。白色白光。微妙香潔。舍利弗。極樂國土。成就如是功德莊嚴。

又舍利弗。彼佛國土。常作天樂。黃金爲地。晝夜六時。雨天曼陀羅華。其土衆生。常以清旦。各以衣祴。盛衆妙華。供養他方十萬億佛。卽以食時。還到本國。飯食經行。舍利弗。極樂國土。成就如是功德莊嚴。

復次。舍利弗。彼國常有種種奇妙雜色之鳥。白鶴、孔雀、鸚鵡、舍利、迦陵頻伽、共命之鳥。是諸衆鳥。晝夜六時。出和雅音。其音演暢。五根、五力、七菩提分、八

聖道分。如是等法。其土衆生。聞是音已。皆悉念佛、念法、念僧。舍利弗。汝勿謂此鳥。實是罪報所生。所以者何。彼佛國土。無三惡道。舍利弗。其佛國土。尚無惡道之名。何況有實。是諸衆鳥。皆是阿彌陀佛。欲令法音宣流。變化所作。舍利弗。彼佛國土。微風吹動。諸寶行樹。及寶羅網。出微妙音。譬如百千種樂。同時俱作。聞是音者。自然皆生念佛、念法、念僧之心。舍利弗。其佛國土。成就如是功德莊嚴。

舍利弗。於汝意云何。彼佛何故號阿彌陀。舍利弗。彼佛光明無量。照十方國。無所障礙。是故號爲阿彌陀。

又舍利弗。彼佛壽命。及其人民。無量無邊阿僧祇劫。故名阿彌陀。舍利弗。阿彌陀佛成佛以來。於今十劫。又舍利弗。彼佛有無量無邊聲聞弟子。皆阿羅漢。非是算數之所能知。諸菩薩衆。亦復如是。舍利弗。彼佛國土。成就如是功德莊嚴。

又舍利弗。極樂國土。衆生生者。皆是阿鞞跋致。其中多有一生補處。其數甚多。非是算數所能知之。但可以無量無邊阿僧祇說。舍利弗。衆生聞者。應當發願。願生彼國。所以者何。得與如是諸上善人。俱會一處。舍利弗。不可以少善根福德因緣。得生彼國。舍利弗。

若有善男子善女人。聞說阿彌陀佛。執持名號。若一日、若二日、若三日、若四日、若五日、若六日、若七日。一心不亂。其人臨命終時。阿彌陀佛。與諸聖衆。現在其前。是人終時。心不顛倒。卽得往生。阿彌陀佛極樂國土。舍利弗。我見是利。故說此言。若有衆生。聞是說者。應當發願。生彼國土。

舍利弗。如我今者。讚歎阿彌陀佛。不可思議功德之利。東方。亦有阿閃鞞佛、須彌相佛、大須彌佛、須彌光佛、妙音佛。如是等恆河沙數諸佛。各於其國。出廣長舌相。徧覆三千大千世界。說誠實言。汝等衆生。當

信是稱讚不可思議功德、一切諸佛所護念經。舍利弗。南方世界。有日月燈佛、名聞光佛、大燄肩佛、須彌燈佛、無量精進佛。如是等恆河沙數諸佛。各於其國。出廣長舌相。徧覆三千大千世界。說誠實言。汝等衆生。當信是稱讚不可思議功德、一切諸佛所護念經。舍利弗。西方世界。有無量壽佛、無量相佛、無量幢佛、大光佛、大明佛、寶相佛、淨光佛。如是等恆河沙數諸佛。各於其國。出廣長舌相。徧覆三千大千世界。說誠實言。汝等衆生。當信是稱讚不可思議功德、一切諸佛所護念經。舍利弗。北方世界。有燄肩佛、最勝音佛、難沮

佛、日生佛、網明佛。如是等恆河沙數諸佛。各於其國。出廣長舌相。徧覆三千大千世界。說誠實言。汝等衆生。當信是稱讚不可思議功德。一切諸佛所護念經。舍利弗。下方世界。有師子佛、名聞佛、名光佛、達摩佛、法幢佛、持法佛。如是等恆河沙數諸佛。各於其國。出廣長舌相。徧覆三千大千世界。說誠實言。汝等衆生。當信是稱讚不可思議功德。一切諸佛所護念經。舍利弗。上方世界。有梵音佛、宿王佛、香上佛、香光佛、大燄肩佛、雜色寶華嚴身佛、娑羅樹王佛、寶華德佛、見一切義佛、如須彌山佛。如是等恆河沙數諸佛。各於



其國。出廣長舌相。徧覆三千大千世界。說誠實言。汝等衆生。當信是稱讚不可思議功德、一切諸佛所護念經。

舍利弗。於汝意云何。何故名爲一切諸佛所護念經。舍利弗。若有善男子善女人。聞是經受持者。及聞諸佛名者。是諸善男子善女人。皆爲一切諸佛之所護念。皆得不退轉於阿耨多羅三藐三菩提。是故舍利弗。汝等皆當信受我語。及諸佛所說。舍利弗。若有人。已發願。今發願。當發願。欲生阿彌陀佛國者。是諸人等。皆得不退轉於阿耨多羅三藐三菩提。於彼國土。若已

生。若今生。若當生。是故舍利弗。諸善男子善女人。若有信者。應當發願。生彼國土。

舍利弗。如我今者。稱讚諸佛不可思議功德。彼諸佛等。亦稱讚我不可思議功德。而作是言。釋迦牟尼佛。能爲甚難希有之事。能於娑婆國土。五濁惡世。劫濁、見濁、煩惱濁、衆生濁、命濁中。得阿耨多羅三藐三菩提。爲諸衆生。說是一切世間難信之法。舍利弗。當知我於五濁惡世。行此難事。得阿耨多羅三藐三菩提。爲一切世間說此難信之法。是爲甚難。

佛說此經已。舍利弗及諸比丘。一切世間天人阿修羅

等。聞佛所說。歡喜信受。作禮而去。

## 佛說阿彌陀經終



# 佛說阿彌陀經略記 目錄

佛說阿彌陀經（經文）	八九
壹、經題（單人式）	一〇五
貳、內容	一〇五
叁、譯者（參經注）	一〇六
肆、經文（內容略記）	一〇六
甲一、序分	一〇六
乙一、通序證信	一〇六
丙一、通序之一——法會時處	一〇六
丙二、通序之二——大衆同聞	一〇六
乙二、別序發起	一〇八
丙一、別序之一	一〇八

丙二、別序之二	一〇八
甲二、正宗分	一〇九
乙一、依報莊嚴	一〇九
丙一、無苦受樂總說	一〇九
丙二、住區組織	一一〇
丙三、遠近環境	一一〇
乙二、說法莊嚴	一一〇
丙一、衆鳥化迹	一一一
丙二、行樹演法	一一一
乙三、正報莊嚴	一一一
丙一、佛德攝衆	一一一
丙二、隨機證果	一一二
丙三、進德勸願	一一二

乙四、行持莊嚴（往生法門）	一二二
丙一、不得生者	一一二
丙二、顯示正行	一一三
丙三、現時功效	一一三
丙四、次勸發願	一一四
甲三、流通分	一一四
乙一、佛贊彌陀、追贊諸佛	一一四
丙一、釋迦首贊彌陀	一一四
丙二、沙佛贊經勸信	一一四
乙二、佛贊諸佛、復勸信願	一一五
丙一、持經之利	一一五
丙二、證願不虛	一一五
乙三、諸佛共贊釋迦	一一六

- 丙一、濁惡證果度衆……………一一六
- 丙二、釋迦自承其難……………一一六
- 乙四、法衆得益結勸……………一一六




# 佛說阿彌陀經略記

(講依接蒙義蘊本，不再列表)

## 壹、經題 (單人式)

七例題式

單三式 ↓ 「人」 ↓ 「法」 ↓ 「喻」



## 貳、內容

不講玄義  
略舉內容

- 性質 (圓融三諦法性實相)
- 宗旨 (以信願行三要為修法)
- 作用 (往生出要不退成佛)
- 教相 (大乘圓頓三根普被)

叁、譯者（參經注）

肆、經文（內容略記）

甲一、序分有二類——通序證信——二別序發起

乙一、通序證信

丙一、通序之一——法會時處

通爲  
六種  
成就

〔如是〕……………（信）

〔我聞〕……………（聞）

〔一時〕……………（時）

〔佛〕……………（主）

〔舍衛國〕……………（地）

〔與大比丘僧〕……………（衆）

丙二、通序之二——大眾同聞


十六尊者名德大意

聖凡參加者


比丘

阿菟樓駄	薄拘羅	摩訶劫賓那	迦留陀夷	賓頭盧頗羅墮	橋梵波提	羅睺	阿難	難陀	周利槃陀伽	離婆多	摩訶俱絺羅	摩訶迦旃延	摩訶迦葉	舍利弗
無貧義	善容義	房宿義	黑光義	不動義	牛呾義	覆障義	慶喜義	善歡喜義	繼道義	假和合義	大膝義	文飾義	飲光義	鷲鷲子義
天眼第	壽命第	知星宿第	教化第	福田第	受天供養第	密行第	多聞第	聲妙第	義持第	無倒亂第	答問第	論議第	頭陀第	神通第

為後學示範善自取師




四菩薩名德大意



乙二、別序發起

丙一、別序之一



丙二、別序之二

先立  
三綱


- 依報莊嚴——(有世界名曰極樂)
- 說法莊嚴——(今現在說法)
- 正報莊嚴——(其土有佛號阿彌陀)

甲二、正宗分有四類——一依報——二說法——三正報——四行持

乙一、依報莊嚴


丙一、無苦受樂總說

清淨  
安養  
總要




丙二、住區組織

離苦  
得樂  
之一



丙三、遠近環境

離苦  
得樂  
之二



乙二、說法莊嚴

丙一、衆鳥化迹

宣法之一

- 六時演法——（聞正法樂）
- 悉念三寶——（得正念樂）
- 明無三途——（無墮落苦）

丙二、行樹演法

宣法之二

- 風樹作樂——（聞正法樂）
- 微妙法音——（得正念樂）
- 自念三寶——（得正念樂）

乙三、正報莊嚴

丙一、佛德攝衆

彌陀光壽總要

- 光明無量——（具攝受加被功）
- 壽命無量——（具除障開智德）
- 報身久長——（無佛前後難功）
- （將來皈依之德）
- （久度不息之功）

丙二、隨機證果

成就無邊

聲聞弟子  
菩薩弟子

(成就衆生之德)

「無怨會苦」

丙三、進德勸願

頓超圓證

生皆不退——(具有誘培根力功)  
一生補處——(具助當生成就德)  
上善聚會——(具有勝緣增上功)

無死亡苦  
人和之樂

(應當發願)

乙四、行持莊嚴 (往生法門)

丙一、不得生者

力薄

善根

菩提正道

親因

二乘少


福德

施戒助道


人天少



### 丙二、顯示正行



### 丙三、現時功效



丙四、次勸發願

臨終除障

- 往生極樂
  - 臨命終時，聖眾來迎
  - 心不顛倒，即得往生
- 我見是利
  - 橫超五濁
  - 終時無倒
    - 第六意識已不行
    - 第八識習氣亂發

應當發願

名亂心位

甲三、流通分有四類——一佛贊彌陀追贊諸佛——二佛贊諸佛復勸信願

——三諸佛共贊釋迦——四法眾得益結勸

乙一、佛贊彌陀追贊諸佛

丙一、釋迦首贊彌陀

彌陀功德之利

- 不可思議功德
- 不可思議之利

丙二、沙佛贊經勸信

諸佛同贊




各於其國出廣長舌相  
徧覆三千大千世界  
說誠實言  
汝等衆生當信是

稱讚不可思議功德一切諸佛所念護

乙二、佛贊諸佛復勸信願

丙一、持經之利



丙二、證願不虛



乙三、諸佛共贊釋迦

丙一、濁惡證果度衆

能爲甚難  
 希有

娑婆世界  
 五濁惡世

得證無上正等正覺  
 爲衆說是難信之法

丙二、釋迦自承其難

濁惡  
 行此  
 難事

得阿耨多羅三藐三菩提  
 爲一切世間說此難信之法

是爲甚難

乙四、法衆得益結勸

聞佛  
 所說

歡喜  
 信受  
 作禮  
 而去

佛說阿彌陀經略記終